

ქ. თბილისი

2020 წ.

ერთის მხრივ, შპს „საქართველოს ფოსტა“ (შემდგომში - დამზღვევი/შემსყიდველი), მისი ფინანსური დეპარტამენტის უფროსის ლაშა ჯაფარიძის სახით და მეორეს მხრივ, _____ (შემდგომში - მზღვეველი/მიმწოდებელი) მისი _____ სახით, საქართველოს მოქმედი კანონმდებლობისა და მიმწოდებლის სატენდერო წინადადების საფუძველზე, _____ ელექტრონული ტენდერის პრეისკურანტით ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას (შემდგომში - ხელშეკრულება) შემდეგზე:

1. ხელშეკრულების საგანი

- 1.1 წინამდებარე ხელშეკრულების რეგულირების საგანს წარმოადგენს ის ურთიერთობები, რომელიც წარმოიშობება „მზღვეველს“, „დამზღვევს“ და „დაზღვეულს“ შორის ამ ხელშეკრულებით და მისი დანართებით გათვალისწინებული პირობების შესაბამისად.
- 1.2 წინამდებარე ხელშეკრულების და მისი დანართებით განსაზღვრული პირობების შესაბამისად, „მზღვეველი“ ვალდებულია „დამზღვევთან“ წინამდებარე ხელშეკრულების გაფორმებისა და შესაბამისი სადაზღვევო პრემიის მიღების სანაცვლოდ უზრუნველყოს დაზღვეულ პირთა სადაზღვევო მომსახურება.
- 1.3 წინამდებარე ხელშეკრულებას დანართის სახით თან ერთვის „დაზღვეულთა“ სია (დანართი #1), რომლებიც წარმოადგენს მის განუყოფელ ნაწილს.

2. ტერმინთა განმარტება

ქვემოთ მოცემული ყოველი განსაზღვრება ინარჩუნებს აღნიშნულ მნიშვნელობას ამ დოკუმენტის ნებისმიერ ნაწილში.

- 2.1 **მზღვეველი** - _____ - პირი, რომელიც შექმნილია სადაზღვევო საქმიანობის განხორციელებისათვის და რომელსაც კანონით დადგენილი წესით მიღებული აქვს დაზღვევის შესაბამისი სახეობის განხორციელების ლიცენზია;
- 2.2 **დამზღვევი** - „საქართველოს ფოსტა“ - პირი, რომელიც თავისი ან მესამე პირების სასარგებლოდ დებს დაზღვევის ხელშეკრულებას მზღვეველთან და იხდის პრემიას;
- 2.3 **დაზღვეული** - დამზღვევის მიერ წარმოდგენილი წინამდებარე ხელშეკრულების დანართში #1 მითითებული პირები, რომლებიც იმყოფებიან დამზღვევთან შრომით ურთიერთობაში;
- 2.4 **მოსარგებლე** - დაზღვეული, სამედიცინო დაწესებულება ან ნებისმიერი ფიზიკური ან იურიდიული პირი, რომელიც საქართველოში მოქმედი კანონმდებლობის და წინამდებარე ხელშეკრულების შესაბამისად უფლებამოსილია მიიღოს სადაზღვევო ანაზღაურება (უბედური შემთხვევის დაზღვევის დროს - დაზღვეულის სამკვიდრო მოწმობის მქონე მემკვიდრეები).
- 2.5 **სადაზღვევო პოლისი** - მზღვეველის მიერ გაცემული ხელმოწერილი საბუთი - მოწმობა დაზღვევის ხელშეკრულების შესახებ.
- 2.6 **სადაზღვევო შემთხვევა** - დაზღვეულის ჯანმრთელობის დაზიანება, შრომისუნარიანობის შეზღუდვა ან დაკარგვა, გარდაცვალება ან მისი უგზო-უკვლოდ დაკარგულად აღიარება მხოლოდ უბედური შემთხვევის შედეგად, სადაზღვევო პერიოდის განმავლობაში, იმ შემთხვევაში, თუ ის მოხდა დამზღვევის ტერიტორიაზე (სამუშაო სივრცე) სამუშაო ადგილას დაზღვეულის (დასაქმებული) მიერ შრომითი მოვალეობის შესრულებისას; ერთი მიზეზით გამოწვეული რამდენიმე მოვლენა (რამდენიმე პირის დაზიანება/გარდაცვალება/უგზო-უკვლოდ).
- 2.7 **დაზღვევითი შემთხვევა** - გარემოებები, მომსახურებები რომელზეც საერთოდ არ ვრცელდება დაზღვევის მოქმედება - ეს უკანასკნელი საერთოდ არ არის მოხსენიებული სადაზღვევო ხელშეკრულებაში, სადაზღვევო პირობებით გათვალისწინებულ მომსახურებათა განმარტებებში და/ან დაზღვეულის სადაზღვევო პოლისში/ბარათში.
- 2.8 **ხელშეკრულების მოქმედების ვადა** - პერიოდი, რომლის განმავლობაშიც სადაზღვევო ხელშეკრულება არის ძალაში.
- 2.9 **სადაზღვევო პერიოდი** - დროის შუალედი, რომელშიც მოქმედებს დაზღვევა. მზღვეველის მიერ ანაზღაურება ამ პერიოდში მომხდარი სადაზღვევო შემთხვევები მხოლოდ სადაზღვევო პერიოდის

ამოწურვამდე.

- 2.10 სადაზღვევო პრემია - დამზღვევის მიერ გადასახდელი სადაზღვევო პოლისის წლიური ღირებულება.
- 2.11 სადაზღვევო ანაზღაურება - სადაზღვევო შემთხვევის დადგომისას მზღვეველის მიერ წინამდებარე ხელშეკრულების პირობების შესაბამისად მოსარგებლისათვის გადასახდელი თანხა.
- 2.12 გეოგრაფიული ლიმიტი - დაზღვევის მოქმედების გეოგრაფიული არეალი.
- 2.13 ლიმიტი - სადაზღვევო პოლისში მითითებული ანაზღაურების მაქსიმალური ლიმიტი კონკრეტული მომსახურებისთვის, რომლის ფარგლებშიც მზღვეველი კისრულობს ვალდებულებას აუნაზღაუროს დაზღვეულს სამედიცინო მომსახურების ხარჯები.
- 2.14 სადაზღვევო თანხა - ანაზღაურების მაქსიმალური ლიმიტი, რომლის ფარგლებშიც მზღვეველი კისრულობს ვალდებულებას აუნაზღაუროს დაზღვეულს სამედიცინო მომსახურების ხარჯები.

3. სადაზღვევო პერიოდი

- 3.1 წინამდებარე ხელშეკრულება ძალაში _____, თუმცა ყველა შემთხვევაში მხარეთა მიერ ნაკისრი ვალდებულებების სრულ და ჯეროვან შესრულებამდე.
- 3.2 წინამდებარე ხელშეკრულებით გათვალისწინებული დაზღვევა მოქმედებს _____ 00:00 საათიდან 2020 წლის 31 დეკემბრის 24:00 საათის ჩათვლით.

4. სადაზღვევო პრემია, მისი გადახდის წესი და პირობები

- 4.1 წინამდებარე ხელშეკრულების საფუძველზე დამზღვევის მიერ, დაზღვეულთა სასარგებლოდ, გადახდილი ჯამური სადაზღვევო პრემია დაანგარიშდება დანართში #1 წარმოდგენილი დაზღვეულთა რაოდენობის შესაბამისად.
- 4.2 სახელშეკრულებო ღირებულება შეადგენს 28`800.00 (ოცდარვაათასრვაასი) ლარს (თანხა დაანგარიშდება სადაზღვევო პერიოდისა და დაზღვეულ თანამშრომელთა რაოდენობის მიხედვით) დღგ-ს გარეშე.
- 4.3 დამზღვევი ვალდებულია გადაიხადოს ყველა დაზღვეულ თანამშრომელზე გათვალისწინებული სადაზღვევო პრემია _____ ლარის ოდენობით.
- 4.4 სადაზღვევო პრემიის გადახდა ყოველთვიურად ხდება შემდეგი სქემის მიხედვით: დაზღვეულთა რაოდენობისა და ყოველთვიური პრემიის შესაბამისად. დაზღვეულ პირთა რაოდენობის ცვლილების შემთხვევაში ხდება გადასახდელი პრემიის კორექტირება.
- 4.5 სადაზღვევო პრემიის გადახდა განხორციელდება მზღვეველის მიერ თვის 20 (ოცი) რიცხვში წარმოდგენილი ინვოისის და თვის ბოლო სამუშაო დღეს გაფორმებული მიღება-ჩაბარების აქტის საფუძველზე, მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.
- 4.6 წინამდებარე ხელშეკრულების პირობების შესაბამისად, თუ თანხის გადახდის დღე დაემთხვა არასამუშაო ან საქართველოში გამოცხადებულ გამოსასვლელ დღეს, ამ დღის ნაცვლად გამოიყენება მომდევნო სამუშაო დღე.
- 4.7 დამზღვევი ვალდებულია ანგარიშსწორება მოახდინოს წინამდებარე ხელშეკრულებით განსაზღვრული გრაფიკის მიხედვით, მიღება-ჩაბარების აქტის საფუძველზე.
- 4.8 პრემიის გადახდა მოხდება უნაღდო ანგარიშსწორებით. თანხა გადახდილად იქნება მიჩნეული მისი მზღვეველის ანგარიშზე ფაქტობრივი ჩარიცხვის შემდეგ.

5. მხარეთა უფლება-მოვალეობები

- 5.1 მზღვეველი ვალდებულია:
 - 5.1.1 დამზღვევის მიერ ხელშეკრულებაში მითითებული გრაფიკის შესაბამისად გადახდილი სადაზღვევო პრემიის საფუძველზე სადაზღვევო შემთხვევის დადგომისას აუნაზღაუროს დაზღვეულს (ან მოსარგებლეს) ზარალი წინამდებარე ხელშეკრულების სპეციფიკურ პირობებში მოცემული პირობების შესაბამისად.
 - 5.1.2 დაიცვას და არ გაახმაუროს დამზღვევთან საქმიანი ურთიერთობის შედეგად მოპოვებული ინფორმაცია, გარდა საქართველოს კანონით პირდაპირ გათვალისწინებული შემთხვევებისა.
 - 5.1.3 აანაზღაუროს სამედიცინო მომსახურების ხარჯები წინამდებარე ხელშეკრულებით და დანართებით გათვალისწინებული პირობების შესაბამისად, სადაზღვევო შემთხვევის დადგენისა და მზღვეველის მიერ ხარჯის ოდენობის განსაზღვრის შემდგომ.
 - 5.1.4 სადაზღვევო შემთხვევის დადგომის შემთხვევაში, სადაზღვევო შემთხვევის დადგენისა და სადაზღვევო ანაზღაურების ოდენობის განსაზღვრისათვის დამზღვევის/დაზღვეულის მიერ ყველა საჭირო დოკუმენტის წარმოდგენის შემდგომ შეასრულოს დაზღვევით ნაკისრი ვალდებულება

დროულად და ჯეროვნად.

5.2 მზღვევლი უფლებამოსილია:

- 5.2.1 დამზღვევის მხრიდან ხელშეკრულების პირობებისა და პრემიის გადახდის გრაფიკის დარღვევის შემთხვევაში შეაჩეროს და/ან შეწყვიტოს სადაზღვევო ხელშეკრულება.
- 5.2.2 არ გასცეს სადაზღვევო ანაზღაურება ხელშეკრულებითა და დანართით გათვალისწინებული წესების დარღვევის შემთხვევაში.
- 5.2.3 არ გასცეს სადაზღვევო ანაზღაურება დაზღვეულის მიერ სადაზღვევო შემთხვევის დადგომის ფაქტის და/ან ანაზღაურების მიღებისათვის აუცილებელი დოკუმენტების გაყალბების, ასევე, ყალბი ინფორმაციის წარმოდგენის ფაქტის გამოვლენის შემთხვევაში. ხოლო თუ ანაზღაურება უკვე გაცემულია, დამზღვევი ვალდებულია უპირობოდ დაუბრუნოს იგი მზღვეველს; ამასთან ყოველი ასეთი პირის დაზღვევა მზღვეველის მხრიდან ექვემდებარება გაუქმებას.
- 5.2.4 დაზღვეული პირის სამსახურიდან წასვლის შემთხვევაში, დაზღვეულისთვის პირობების შენარჩუნება მზღვეველის მიერ არ განიხილება.
- 5.2.5 სადაზღვევო შემთხვევის დადგომის შემდეგ მოსთხოვოს დამზღვევს ყოველგვარი ცნობა, რომელიც კი აუცილებელია სადაზღვევო შემთხვევის ან მოვლენის ასევე ზიანის მოცულობის დასადგენად.
- 5.2.6 მოითხოვოს გაცემული ანაზღაურების დაბრუნება, თუ აღმოჩნდა, რომ ზარალის დადგომა არ იყო გამოწვეული სადაზღვევო შემთხვევით ან დამზღვევის ბრალით შეუძლებელია რეგრესის უფლების გამოყენება.
- 5.2.7 მოითხოვოს/გადაამოწმოს დაზღვეულის პირადი მონაცემები საქართველოს იუსტიციის სამინისტროს საჯარო რეესტრის ეროვნულ სააგენტოში.

5.3 დამზღვევი ვალდებულია:

- 5.3.1 სადაზღვევო შემთხვევის დადგომის შემდეგ შეასრულოს მზღვეველის ყველა მითითება, რაც უკავშირდება სადაზღვევო შემთხვევის ან მოვლენის ასევე ზიანის მოცულობის დადგენას.
- 5.3.2 დეტალურად გააცნოს წინამდებარე დაზღვევის პირობები დაზღვეულებს; დამზღვევი ვალდებულია, რომ დაზღვეულებს გააცნოს ვალდებულება, რომ მზღვეველს ენიჭება უფლება მოიძიოს და გაეცნოს ყველა იმ დოკუმენტაციას, რომელსაც მზღვეველი ჩათვლის საჭიროდ სადაზღვევო ანაზღაურებისათვის. წინააღმდეგ შემთხვევაში მზღვეველი იტოვებს უფლებას არ აანაზღაუროს სადაზღვევო შემთხვევის შედეგად დამდგარი ზიანი.
- 5.3.3 დაზღვეული პირის სამსახურიდან წასვლის შემთხვევაში შეატყობინოს მზღვეველს წინამდებარე ხელშეკრულებით განსაზღვრული ინფორმაცია.
- 5.3.4 დაზღვეულთა/მოსარგებლეთა მიერ ხელშეკრულებით და მისი დანართებით გათვალისწინებული ქმედებების შესრულებაზე, ასევე მათ მიერ განხორციელებული მოქმედებების/უმოქმედობის ხელშეკრულებასთან შესაბამისობაზე პასუხისმგებელია დამზღვევი, შესაბამისად მზღვეველი უფლებამოსილია არ აანაზღაუროს ზიანი, თუ დაზღვეულთა/მოსარგებლეთა მიერ დარღვეული იქნება წინამდებარე ხელშეკრულებით და მისი დანართით გათვალისწინებული ვალდებულებები და პროცედურები.
- 5.3.5 გადაიხადოს სადაზღვევო პრემია მზღვეველთან შეთანხმებული წესის მიხედვით ყველა დაზღვეულზე სრულად.
- 5.3.6 ხელი შეუწყოს მზღვეველის მიერ სადაზღვევო შემთხვევის დადგომასთან და მის შედეგებთან დაკავშირებული მონაცემების მოკვლევა-მოძიებას.
- 5.3.7 სადაზღვევო მომსახურების კოორდინაციისა და ხარისხის მუდმივი კონტროლის მიზნით გამოყოს მზღვეველთან საკონტაქტო პირი.

5.4 დამზღვევი უფლებამოსილია:

- 5.4.1 სადაზღვევო შემთხვევის დადგომისას მოითხოვოს მზღვეველისაგან ზარალის ანაზღაურება წინამდებარე ხელშეკრულების და მისი დანართის შესაბამისად.

6. ძირითადი დებულებები

- 6.1 წინამდებარე ხელშეკრულების საფუძველზე განხორციელებული სადაზღვევო მომსახურების პირობები მოცემული იქნება ხელშეკრულების სპეციფიკურ პირობებში და წინამდებარე ხელშეკრულებასთან ერთად არეგულირებს დაზღვეულთან დაკავშირებულ მხარეთა ურთიერთობას.
- 6.2 სადაზღვევო ხელშეკრულების გაფორმებისას დაზღვეულ პირთა სრული სია მოცემულია დანართში #1 ცხრილის სახით და მოიცავს შემდეგ ინფორმაციას:

- 6.2.1 დაზღვეულის სახელი, გვარი;
- 6.2.2 პირადი ნომერი;
- 6.2.3 დაბადების თარიღი;
- 6.2.4 მისამართი, ტელეფონი;
- 6.2.5 სამუშაო ადგილი და თანამდებობა, სამსახურებრივი სტატუსი;
- 6.2.6 სამსახურში აყვანის თარიღი და სამსახურში აყვანის ბრძანების ნომერი;
- 6.3 დაზღვევა იწყება _____ 00:00 საათზე და მთავრდება 2020 წლის 31 დეკემბრის 24 (ოცდაოთხი) საათზე (გარდა იმ შემთხვევებისა, როცა ადგილი აქვს დაზღვევის ვადაზე ადრე გაუქმებას).
- 6.4 დაზღვევის ხელშეკრულება შედგება წინამდებარე ხელშეკრულებისა და მის საფუძველზე გაცემული ყველა დანართისა და ცვლილებისაგან.
- 6.5 წინამდებარე დაზღვევა ეფუძნება დამზღვევის/დაზღვეულის მიერ განაცხადში მითითებულ ინფორმაციას. თუ დაირღვა წინამდებარე ხელშეკრულებით გათვალისწინებული არსებითი გარემოებების შესახებ ინფორმაციის მიწოდების ვალდებულება, მზღვეველს არ მიეწოდება ინფორმაცია და/ან ინფორმაცია შეიცავდა არასწორ მონაცემებს, მაშინ მზღვეველი თავისუფლდება დაზღვევით ნაკისრი ყოველგვარი მოვალეობის შესრულებისაგან.
- 6.6 მზღვეველი თავისუფლდება დაზღვევით ნაკისრი მოვალეობის შესრულებისაგან სადაზღვევო შემთხვევის დადგომის შემდგომაც, თუ გარემოებამ, რომლის შესახებაც დაირღვა ინფორმაციის მიწოდების ვალდებულება გავლენა იქონია სადაზღვევო შემთხვევის დადგომაზე და მზღვეველის მოვალეობის შესრულებაზე.

7. განცხადებები და გარანტიები

- 7.1 დამზღვევი აცხადებს, რომ გააჩნია ყველა საჭირო თანხმობა და ნებართვა იმისთვის, რომ დადოს ეს ხელშეკრულება დაზღვეულთა სასარგებლოდ.
- 7.2 დამზღვევი ხელშეკრულებაზე ხელმოწერით ადასტურებს, რომ ხელშეკრულება და მზღვეველის მიერ მისთვის გადაცემული დანართები არ შეიცავს ბუნდოვან ან უჩვეულო დებულებებს და რომ იგი სრულად გაეცნო და ეთანხმება პირობებს. დამზღვევი ხელშეკრულებაზე ხელმოწერით აგრეთვე ადასტურებს, რომ ყველა დანართსა და ცვლილებას გააჩნია მისთვის სავალდებულო ძალა.
- 7.3 მზღვეველის მიერ მისთვის გადაცემული სადაზღვევო წესები არ შეიცავს ბუნდოვან ან უჩვეულო დებულებებს და რომ იგი სრულად გაეცნო და ეთანხმება პირობებს. დამზღვევი ხელშეკრულებაზე ხელმოწერით აგრეთვე ადასტურებს, რომ სადაზღვევო წესებს გააჩნია მისთვის სავალდებულო ძალა.

8. ხელშეკრულების შეწყვეტა და შესაძლო ცვლილებების განხორციელების პირობები

- 8.1 დამზღვევის მიერ სადაზღვევო ხელშეკრულების ვადაზე ადრე მოშლის შემთხვევაში დამზღვევი ვალდებულია წერილობით შეატყობინოს მზღვეველს ხელშეკრულების მოშლის შესახებ 1 (ერთი) თვით ადრე.
- 8.2 დამზღვევის მიერ სადაზღვევო ხელშეკრულების ვადაზე ადრე უმიზეზოდ მოშლის ან დამზღვევის მიერ სადაზღვევო პრემიის გადაუხდელობის გამო მზღვეველის მხრიდან ხელშეკრულების ვადაზე ადრე შეწყვეტისას დამზღვევი ვალდებულია გადაიხადოს დამატებით ორი თვის სადაზღვევო პრემია.
- 8.3 დაზღვეულ პირთა დამატება/გაუქმება ხორციელდება ყოველი თვის პირველ რიცხვში საჭიროებისამებრ.
- 8.4 დაზღვეულ პირთა სიაში ცვლილებების (დამატება, გაუქმება) განხორციელებისას მზღვეველს უნდა ეცნობოს წერილობით/ელექტრონული ფოსტის საშუალებით არაუგვიანეს ცვლილებების ძალაში შესვლის დღემდე 3 სამუშაო დღით ადრე.
- 8.5 დაზღვეულ პირთა სიაში დამატების შესახებ წერილობითი შეტყობინება უნდა მოიცავდეს შემდეგ ინფორმაციას: დაზღვეულის (თანამშრომელი) სახელი, გვარი, პირადი ნომერი, დაბადების თარიღი, მისამართი, ტელეფონი, სამუშაო ადგილი და თანამდებობა, სამსახურებრივი სტატუსი.
- 8.6 დაზღვეულ პირთა სიაში გაუქმების შესახებ წერილობითი შეტყობინება უნდა მოიცავდეს შემდეგ ინფორმაციას: დაზღვეულის (თანამშრომელი) სახელი, გვარი, პირადი ნომერი, დაბადების თარიღი, სამსახურიდან გათავისუფლების თარიღი და სამსახურიდან გათავისუფლების ბრძანების ნომერი.
- 8.7 დაზღვეული თანამშრომლისათვის დაზღვევის ვადაზე ადრე გაუქმება ხორციელდება მხოლოდ დაზღვეული თანამშრომლის სამსახურიდან წასვლის შემთხვევაში.
- 8.8 დამზღვევი ვალდებულია გადაიხადოს სადაზღვევო პრემია ყველა დაზღვეულზე სრულად.
- 8.9 მზღვეველს შეუძლია ცალმხრივად მოშალოს სადაზღვევო ხელშეკრულება, ოღონდ ვალდებულია შეატყობინოს დამზღვევს ხელშეკრულების მოშლის შესახებ 1 (ერთი) თვით ადრე. მიუხედავად ხელშეკრულების შეწყვეტისა, მზღვეველი იღებს პასუხისმგებლობას ორი თვის განმავლობაში აანაზღაუროს ყველა სადაზღვევო შემთხვევა, რომელიც დადგება ხელშეკრულების შეწყვეტის მომენტამდე.

9. მხარეთა პასუხისმგებლობა - ხელშეკრულების პირობების შეუსრულებლობა

- 9.1 წინამდებარე ხელშეკრულებით ნაკისრი ვალდებულებების შეუსრულებლობისათვის მხარეები პასუხს აგებენ ამ ხელშეკრულების და საქართველოს კანონმდებლობის შესაბამისად.
- 9.2 პირგასამტეხლოს გადახდა არ ათავისუფლებს მხარეებს ხელშეკრულებით ნაკისრი ვალდებულებების შესრულებისაგან.
- 9.3 დამზღვევის/შემსყიდველის მიერ სადაზღვევო პრემიის გადახდის გრაფიკის დარღვევის შემთხვევაში მზღვეველს/მიმწოდებელს უფლება აქვს მოითხოვოს დამზღვევისაგან პირგასამტეხლოს გადახდა დავალიანებული პრემიის 0.02%-ს ოდენობით თითოეული ვადაგადაცილებული დღისათვის; პირგასამტეხლოს დარიცხვა/ათვლა დაიწყება წერილობითი/ელექტრონული ფოსტის საშუალებით შეტყობინების თარიღიდან.
- 9.4 მზღვეველი არ არის პასუხისმგებელი დაუზღვეველი შემთხვევების, აგრეთვე ნებისმიერი სახის მომსახურების ხარჯების ანაზღაურებაზე, რომელი არ არის გათვალისწინებული წინამდებარე ხელშეკრულებით.
- 9.5 მზღვეველის მიზეზით მომსახურების დაგვიანებით გაწევის შემთხვევაში, მზღვეველი მოვალეა გადაიხადოს პირგასამტეხლო ხელშეკრულების ღირებულების 0.02% ოდენობით ყოველ ვადაგადაცილებულ კალენდარულ დღეზე მომსახურების სრულად შესრულების დღემდე.
- 9.6 მზღვეველის მიზეზით მომსახურების არაჯეროვნად (არასრულად, ხარვეზით ან საერთოდ არ გაწევის) გაწევის შემთხვევაში, მზღვეველი მოვალეა გადაიხადოს პირგასამტეხლო ხელშეკრულების ღირებულების 0.02% ოდენობით ყოველ ვადაგადაცილებულ კალენდარულ დღეზე ხელშეკრულების შეწყვეტის დღემდე.
- 9.7 იმ შემთხვევაში, თუ პირგასამტეხლოს ჯამური ოდენობა გადააჭარბებს სახელშეკრულებო ღირებულების 1%-ს, მხარეებს უფლება აქვთ ცალმხრივად შეწყვიტონ ხელშეკრულება და მოითხოვონ ხელშეკრულების შეწყვეტის მომენტისთვის დარიცხული პირგასამტეხლო.
- 9.8 9.7 პუნქტით გათვალისწინებულ შემთხვევაში შემსყიდველს უფლება აქვს ხელშეკრულების სრულად შეუსრულებლობის შემთხვევაში მოითხოვოს პირგასამტეხლო სახელშეკრულებო ღირებულების 20%-ის ოდენობით, ხოლო ნაწილობრივ შესრულების შემთხვევაში - დარჩენილ სადაზღვევო პერიოდზე გადასახდელი პრემიის 10%-ის ოდენობით.

10. დავების გადაწყვეტა

- 10.1 მხარეებმა ყველა ღონე უნდა იხმარონ, რათა შეთანხმებით მოავგარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა საკითხების მიმართ.
- 10.2 წინამდებარე ხელშეკრულების შესრულებასთან დაკავშირებული დავების შემთხვევაში მხარეები უთანხმოების მოგვარებისათვის ხელშეწყობის მიზნით მიმართავენ „დაზღვევის მედიაციას“ სატელეფონო ხაზის მეშვეობით ნომერზე: 2 555 155, ან ელექტრონულ მისამართზე: mediacia@insurance.org.ge.
- 10.3 თუ ასეთი მოლაპარაკების დაწყებიდან 30 (ოცდაათი) დღის განმავლობაში მხარეები ვერ შეძლებენ სადავო საკითხების შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს სასამართლოს.
- 10.4 გამომდინარე იქიდან, რომ მხარეთა მიერ ხელშეკრულების შესრულების ადგილად მიჩნეულია მზღვეველის ადგილსამყოფელი, დავის განხილვა მოხდება მისი ადგილსამყოფელის მიხედვით არსებულ საერთო სასამართლოში.

11. ფორს-მაჟორი

- 11.1 წინამდებარე ხელშეკრულების საფუძველზე არც ერთი მხარე არ აგებს პასუხს მეორე მხარის წინაშე და თავისუფლდება პასუხისმგებლობისაგან საკუთარი ვალდებულებების შეუსრულებლობის ან არასათანადოდ შესრულების გამო, თუ ამის მიზეზი გახდა საგანგებო ხასიათის მქონე გადაულახავი ძალა, რომლის წარმოშობაზე ხელშეკრულების მონაწილე მხარეები პასუხს არ აგებენ და რომლის არსებობის ან წარმოშობის შესახებ წინამდებარე ხელშეკრულების დადების მომენტში არ შეეძლოთ სცოდნოდათ.
- 11.2 გადაულახავ ძალად ჩაითვლება შემდეგი (და არა მხოლოდ): სტიქიური უბედურებანი (ხანძარი, წყალდიდობა, მიწისძვრა, შტორმი და სხვა.); გამოცხადებული ან გამოუცხადებელი ომი, სამოქალაქო არეულობა, ნებისმიერი სახის საომარი მოქმედებები, საგანგებო მდგომარეობა, ეპიდემიები, ბლოკადა ან ნებისმიერი ეკონომიკური ემბარგო; ხელისუფლების ნებისმიერი ერთეულის ან ხელისუფლების მიერ საამისოდ კომპეტენტურად განსაზღვრული ორგანოს გადაწყვეტილება და ისეთი ნორმატიული აქტების გამოცემა რომლებიც ზემოქმედებენ მხარეების მიერ ხელშეკრულებით ნაკისრი ვალდებულებების

- შესრულებაზე და ცვლიან, წყვეტენ ან აჩერებენ წინამდებარე ხელშეკრულების დებულებებსა და პირობებს.
- 11.3 მხარეები თანხმდებიან, რომ საქართველოში არსებული პოლიტიკურ-ეკონომიკური მდგომარეობიდან გამომდინარე ფორს-მაჟორულ მოვლენასთან გათანაბრებულია მესამე პირთა ბრალეული და/ან არაბრალეული ქმედებანი, რომლებიც შეუძლებელს ხდიან მხარეთა მიერ ნაკისრი ვალდებულების შესრულებას. არსებულ პოლიტიკურ-ეკონომიკურ მდგომარეობაში იგულისხმება ქვეყანაში არსებული კრიმინოგენული სიტუაცია, ენერგეტიკული კრიზისი და პოლიტიკური ვითარებიდან გამომდინარე სხვა გარემოებები.
- 11.4 ფორს-მაჟორული მოვლენა დადასტურებული უნდა იქნეს კომპეტენტური ორგანოს მიერ.
- 11.5 ფორს-მაჟორული გარემოებების წარმოშობის შესახებ მხარემ დაუყონებლივ უნდა აცნობოს მეორე მხარეს მის ხელთ არსებული საკომუნიკაციო საშუალებებით (ტელეფონი, ფოსტა, ელექტრონული ფოსტა, კურიერი და სხვა).
- 11.6 ფორს-მაჟორული გარემოებების შეწყვეტისთანავე მხარეები დაუყონებლივ აგრძელებენ ხელშეკრულებით ნაკისრი ვალდებულებების შესრულებას.
- 11.7 ფორს-მაჟორული გარემოებების არსებობის პირობებში, ვალდებულების შესრულების პერიოდი შეჩერდება იმ დროით, რა დროსაც გასტანა ასეთმა გარემოებებმა, თუ მხარეთა შორის არ იქნა მიღწეული სხვაგვარი შეთანხმება. თუ მხარეების მიერ ხელშეკრულებით ნაკისრი ვალდებულებების შეუსრულებლობა გაგრძელდა ერთ თვეზე მეტ ხანს, თითოეული მხარე უფლებამოსილია ცალმხრივად შეწყვიტოს წინამდებარე ხელშეკრულების მოქმედება, შეწყვეტის სავარაუდო თარიღამდე არანაკლებ ორი კვირით ადრე წერილობითი შეტყობინების გაგზავნით (ან ელექტრონული ფოსტის მეშვეობით) ან სხვა ხელმისაწვდომი საშუალებით, რომელიც მიწოდებული იქნება მხარის მიერ იმ მისამართზე, რომელიც მითითებულ იქნა დამკვეთის პირველადი რეგისტრაციის დროს.

12. დამატებითი პირობები

- 12.1 ხელშეკრულებაში ცვლილებების და დამატებების შეტანა ხდება წერილობით, ორივე მხარის ხელმოწერით და ძალაშია ხელმოწერის შემდგომ.
- 12.2 წინამდებარე ხელშეკრულებით გათვალისწინებული ყველა უფლება-მოვალეობები ვრცელდება ორივე მხარის უფლებამონაცვლებზე და წარმომადგენლებზე.
- 12.3 ყველა დანარჩენ შემთხვევაში, რასაც არ ითვალისწინებს წინამდებარე ხელშეკრულება, მხარეები ხელმძღვანელობენ საქართველოს მოქმედი კანონმდებლობით.
- 12.4 ხელშეკრულების ხელმოწერის შემდგომ ნებისმიერი სხვა სიტყვიერი ან წერილობითი შეთანხმება ხელშეკრულებით მოწესრიგებულ საკითხებთან დაკავშირებით ბათილია.
- 12.5 მზღვეველი არ არის პასუხისმგებელი ნებისმიერი სახის მომსახურების ხარჯების ანაზღაურებაზე, რომლებიც არ არის გათვალისწინებული წინამდებარე ხელშეკრულებით.
- 12.6 წინამდებარე ხელშეკრულების თანახმად, სახელშეკრულებო პირობები ატარებენ კონფიდენციალურ ხასიათს და ამ ხელშეკრულებასთან დაკავშირებული ყოველგვარი ინფორმაცია მესამე პირს (პირებს) გადაეცემა(თ) მოქმედი კანონმდებლობით დადგენილი წესით, ასევე, მხარეთა მიერ წინასწარი წერილობითი თანხმობის შემთხვევებში.
- 12.7 ნებისმიერი ოფიციალური შეტყობინების გაგზავნა მხარეთა შორის უნდა ხორციელდებოდეს წერილობით/ელექტრონული ფოსტის საშუალებით. წერილობითი შეტყობინება, რომელსაც ერთი მხარე ხელშეკრულების შესაბამისად, უგზავნის მეორე მხარეს იგზავნება საფოსტო გზავნილის სახით, ხელშეკრულებაში მითითებულ მისამართზე.
- 12.8 დაზღვეულთა სიაში ცვლილებების შეტანასთან დაკავშირებით, წერილობით შეტყობინებად ჩაითვლება ასევე დამზღვევის მიერ ცვლილებების შესახებ ინფორმაციის მიწოდება ელექტრონული მისამართიდან – _____ ელექტრონულ მისამართზე – _____ მხარეებმა ელექტრონული მისამართის შეცვლის შესახებ უნდა აცნობონ ერთმანეთს არაუგვიანეს 5 (ხუთი) სამუშაო დღისა. მისამართის/ადგილსამყოფელის ცვლილების შესახებ ინფორმაციის დაუყოვნებლივ მზღვეველისთვის მიუწოდებლობის შემთხვევაში, მზღვეველის მიერ გაგზავნილი ნებისმიერი შეტყობინება ჩაითვლება დამზღვევის მიერ მიღებულად.
- 12.9 წინამდებარე ხელშეკრულების დანართები და ხელშეკრულების გაფორმების შემდეგ გაფორმებული ნებისმიერ ცვლილება, წარმოადგენს ხელშეკრულების განუყოფელ ნაწილს.

მხარეთა რეკვიზიტები:

ხელშეკრულების სპეციფიკური პირობები

1. ხელშეკრულების მხარეები

ხელშეკრულების მხარეები არიან:

შემსყიდველი - შპს „საქართველოს ფოსტა“, წარმოდგენილი მისი ფინანსური დეპარტამენტის უფროსის ლაშა ჯაფარიძის სახით (მისამართი: თბილისი, სადგურის მოედანი #2).

მიმწოდებელი- სს _____ წარმოდგენილი მისი _____ (მისამართი: _____)

2. მომსახურების სახეობები და მისი გაწევის აუცილებელი პირობები:

2.1 უბედური შემთხვევის დაზღვევის პაკეტი შპს „საქართველოს ფოსტა“-ს თანამშრომლებისათვის რომელიც ახორციელებენ საქართველოს მთავრობის 2018 წლის 27 ივლისის N381 დადგენილებით განსაზღვრულ მომეტებული საფრთხის შემცველ მძიმე, მავნე და საშიშპირობებიან სამუშაოებს.

მდგომარეობები, რომელიც დადგა შრომითი საქმიანობის შესრულების პერიოდში უბედური შემთხვევის შედეგად	სადაზღვევო ლიმიტი სადაზღვევო პერიოდის განმავლობაში ერთ დაზღვეულზე	ასანაზღაურებელი თანხის ლიმიტი სადაზღვევო პერიოდის განმავლობაში ერთ დაზღვეულზე
ფატალური უბედური შემთხვევა (გარდაცვალება) / უგზო-უკვლოდ დაკარგულად აღიარება - საქართველოს კანონმდებლობის შესაბამისად უგზო-უკვლოდ დაკარგულად აღიარება (მხოლოდ უბედური შემთხვევის შედეგად).	5000	100%
მძიმე უბედური შემთხვევა	5000	75%
საშუალო სიმძიმის უბედური შემთხვევა	5000	50%
მსუბუქი უბედური შემთხვევა	5000	10%
გადაუდებელი სამედიცინო დახმარება	200	

- აგრეგირებული ლიმიტი ერთ მასობრივ უბედურ შემთხვევაზე 75 000 (სამოცდათხუთმეტი ათასი) ლარი;
- სადაზღვევო პერიოდში სადაზღვევო ლიმიტი 300 000 (ორასი ათასი) ლარს;

2.2 მომსახურებასთან დაკავშირებული განსაკუთრებული პირობები

2.2.1. მითითებული ლიმიტები ეხება შპს „საქართველოს ფოსტა“-ს თანამშრომლებს, რომელიც ახორციელებენ საქართველოს მთავრობის 2018 წლის 27 ივლისის N381 დადგენილებით განსაზღვრულ მომეტებული საფრთხის შემცველ მძიმე, მავნე და საშიშპირობებიან სამუშაოებს;

ა) სადაზღვევო კომპანია ვალდებულია შემსყიდველს და მის დაზღვეულებს აუხსნას და დაეხმაროს შემთხვევის კვალიფიკაციისა და შეზღუდვის ხარისხის დადგენისათვის შესაბამისი დაწესებულებებისადმი მიმართვაში. ამასთან, სადაზღვევო კომპანია ვალდებულია კვალიფიციური და ჯეროვანი მომსახურება გაუწიოს შემსყიდველს და მის დაზღვეულებს.

ბ) დაზღვეულისათვის ანაზღაურების მოთხოვნის და გაცემის წესი და ვადა:

ბ.ა) განაცხადებისა და დოკუმენტაციის მზღვევლისათვის წარდგენა შესაძლებელი უნდა იყოს ელექტრონული ფორმით.

ბ.ბ) სრულყოფილი დოკუმენტაციის წარდგენიდან, მზღვევლის მიერ თანხის ანაზღაურება უნდა განხორციელდეს არაუმეტეს 5 (ხუთი) სამუშაო დღის განმავლობაში. ყოველგვარი ეჭვის გამორიცხვის მიზნით, აღნიშნულ ვადაში შედის დოკუმენტაციის წარდგენიდან მისი შესწავლისა და თანხის ანაზღაურებისათვის საჭირო დრო.

ბ.გ.) 500 ლარამდე თანხის გაცემა შესაძლებელი უნდა იყოს როგორც ნაღდი, ასევე უნაღდო ანგარიშსწორების გზით, დაზღვეულის მოთხოვნის შესაბამისად.

3. ტერმინთა განმარტებები

- 3.1 **მზღვეველი** - _____ - პირი, რომელიც შექმნილია სადაზღვევო საქმიანობის განხორციელებისათვის და რომელსაც კანონით დადგენილი წესით მიღებული აქვს დაზღვევის შესაბამისი სახეობის განხორციელების ლიცენზია;
- 3.2 **დამზღვევი** - „საქართველოს ფოსტა“ - პირი, რომელიც თავისი ან მესამე პირების სასარგებლოდ დებს დაზღვევის ხელშეკრულებას მზღვეველთან და იხდის პრემიას;
- 3.3 **დაზღვეული** - დამზღვევის მიერ წარმოდგენილი წინამდებარე ხელშეკრულების დანართში #1 მითითებული პირები, რომლებიც იმყოფებიან დამზღვევეთან შრომით ურთიერთობაში;
- 3.4 **მოსარგებლე** - დაზღვეული, სამედიცინო დაწესებულება ან ნებისმიერი ფიზიკური ან იურიდიული პირი, რომელიც საქართველოში მოქმედი კანონმდებლობის და წინამდებარე ხელშეკრულების შესაბამისად უფლებამოსილია მიიღოს სადაზღვევო ანაზღაურება (უბედური შემთხვევის დაზღვევის დროს - დაზღვეულის სამკვიდრო მოწმობის მქონე მემკვიდრეები);
- 3.5 **სადაზღვევო პოლისი** - მზღვევლის მიერ გაცემული ხელმოწერილი საბუთი - მოწმობა დაზღვევის ხელშეკრულების შესახებ;
- 3.6 **სადაზღვევო შემთხვევა** - დაზღვეულის ჯანმრთელობის დაზიანება, შრომისუნარიანობის შეზღუდვა ან დაკარგვა, გარდაცვალება ან მისი უგზო-უკვლოდ დაკარგულად აღიარება მხოლოდ უბედური შემთხვევის შედეგად, სადაზღვევო პერიოდის განმავლობაში, იმ შემთხვევაში, თუ ის მოხდა დამზღვევის ტერიტორიაზე (სამუშაო სივრცე) სამუშაო ადგილას დაზღვეულის (დასაქმებული) მიერ შრომითი მოვალეობის შესრულებისას; ერთი მიზეზით გამოწვეული რამდენიმე მოვლენა (რამდენიმე პირის დაზიანება/გარდაცვალება/უგზო-უკვლოდ დაკარგვის აღიარება) ჩაითვლება ერთი სადაზღვევო შემთხვევად, მიუხედავად სადაზღვევო ანაზღაურებაზე მიმართვების რაოდენობისა. ხელშეკრულების მიხედვით, ამ დაზღვევით არ იფარება სადაზღვევო შემთხვევა გამოწვეული დაზღვეულის ავადმყოფობით;
- 3.7 **დაუზღვეველი შემთხვევა** - გარემოებები, მომსახურებები რომელზეც საერთოდ არ ვრცელდება დაზღვევის მოქმედება - ეს უკანასკნელი საერთოდ არ არის მოხსენებული სადაზღვევო ხელშეკრულებაში, სადაზღვევო პირობებით გათვალისწინებულ მომსახურებათა განმარტებებში და/ან დაზღვეულის სადაზღვევო პოლისში/ბარათში;
- 3.8 **ხელშეკრულების მოქმედების ვადა** - პერიოდი, რომლის განმავლობაშიც სადაზღვევო ხელშეკრულება არის ძალაში;
- 3.9 **სადაზღვევო პერიოდი** - დროის შუალედი, რომელშიც მოქმედებს დაზღვევა. მზღვევლის მიერ ანაზღაურება ამ პერიოდში მომხდარი სადაზღვევო შემთხვევები მხოლოდ სადაზღვევო პერიოდის ამოწურვამდე;
- 3.10 **ინდივიდუალური სადაზღვევო პერიოდი** - საერთო სადაზღვევო პერიოდის ფარგლებში, თითოეული დაზღვეულის (დასაქმებული) სადაზღვევო პერიოდი, რომლის განმავლობაში აღნიშნული დაზღვეული ხელშეკრულების საფუძველზე ითვლება დაზღვეულად და რომელიც წარმოადგენს დამზღვევეთან მის დასაქმების პერიოდს;
- 3.11 **სადაზღვევო პრემია** - დამზღვევის მიერ გადასახდელი სადაზღვევო პოლისის წლიური ღირებულება;

- 3.12 **გამოუმუშავებელი სადაზღვევო პრემია** - სადაზღვევო პერიოდის განმავლობაში კონკრეტული თარიღისათვის სადაზღვევო პერიოდის მოქმედების დასრულებამდე დარჩენილი დროის მონაკვეთის პროპორციული პრემიის ოდენობა;
- 3.13 **გამომუშავებული სადაზღვევო პრემია** - სადაზღვევო პერიოდის განმავლობაში კონკრეტული თარიღისათვის, სადაზღვევო პერიოდის დასაწყისიდან ასეთ თარიღამდე განვლილი დროის მონაკვეთის პროპორციული პრემიის ოდენობა;
- 3.14 **სადაზღვევო ანაზღაურება** - სადაზღვევო შემთხვევის დადგომისას მზღვეველის მიერ წინამდებარე ხელშეკრულების პირობების შესაბამისად მოსარგებლისათვის გადასახდელი თანხა;
- 3.15 **გეოგრაფიული ლიმიტი** - დაზღვევის მოქმედების გეოგრაფიული არეალი;
- 3.16 **წლიური სადაზღვევო ლიმიტი** - სადაზღვევო პოლისით განსაზღვრული თანხა, რომელიც წარმოადგენს სადაზღვევო პერიოდის განმავლობაში ერთი დაზღვეულის სასარგებლოდ მზღვეველის მიერ გასაცემი სადაზღვევო ანაზღაურების მაქსიმუმს ხელშეკრულებით განსაზღვრული ყველა მოქმედი სადაზღვევო დაფარვისათვის;
- 3.17 **ერთი შემთხვევის ლიმიტი** - სადაზღვევო პოლისით გათვალისწინებული თანხა, რომელიც, მიუხედავად ასეთი შემთხვევის შედეგად დაზიანებული/გარდაცვლილი დაზღვეული პირების რაოდენობისა, წარმოადგენს ერთი უბედური შემთხვევის შედეგად მზღვეველის მიერ გასაცემი სადაზღვევო ანაზღაურების მაქსიმუმს ყველა მოქმედი სადაზღვევო დაფარვისათვის ჯამში. თუ, ერთი სადაზღვევო შემთხვევის შედეგად დაზარალდა რამდენიმე დაზღვეული და გასაცემი სადაზღვევო ანაზღაურების ოდენობა ჯამურად აჭარბებს ერთი უბედური შემთხვევის ლიმიტს, თითოეული დაზღვეული (მოსარგებლე) სადაზღვევო ანაზღაურებას მიიღებს საერთო ზარალში მისი წილის პროპორციულად;
- 3.18 **სადაზღვევო თანხა** - ანაზღაურების მაქსიმალური ლიმიტი, რომლის ფარგლებშიც მზღვეველი კისრულობს ვალდებულებას აუნაზღაუროს დაზღვეულს სამედიცინო მომსახურების ხარჯები;
- 3.19 **სამუშაო სივრცე (სადაზღვევო ტერიტორია)** - ყველა სამუშაო ადგილისა და იმ ტერიტორიის ერთობლიობა, სადაც დასაქმებული იმყოფება/გადაადგილდება სამსახურებრივი დანიშნულებით;
- 3.20 **სამუშაო ადგილი** - კონკრეტული ადგილი, სადაც დასაქმებული უშუალოდ ახორციელებს შრომით საქმიანობას;
- 3.21 **სამუშაო სივრცეში უბედური შემთხვევა** - სამუშაო პროცესში ან სამუშაო პროცესთან დაკავშირებით მომხდარი უბედური შემთხვევა, რომელსაც შედეგად მოჰყვა დაზღვეულის ჯანმრთელობის დაზიანება, შრომისუნარიანობის შეზღუდვა ან დაკარგვა, გარდაცვალება ან მისი უგზო-უკვლოდ დაკარგულად აღიარება; სამუშაო სივრცეში უბედური შემთხვევა კლასიფიცირდება მისი შედეგების და ერთ ჯერზე დაშავებული ადამიანების რაოდენობის მიხედვით, შემდეგნაირად:
- ა) მსუბუქი უბედური შემთხვევა - უბედური შემთხვევის გამო მსუბუქი დაზიანება შრომისუნარიანობის დაკარგვის გარეშე ან შრომისუნარიანობის დაკარგვით არაუმეტეს 3 დღისა;
 - ბ) საშუალო სიმძიმის უბედური შემთხვევა - უბედური შემთხვევის გამო დაზიანება შრომისუნარიანობის დაკარგვით 3 დღიდან 40 დღემდე;
 - გ) მძიმე უბედური შემთხვევა - უბედური შემთხვევის გამო მუდმივი შრომისუნარიანობის განვითარება ან ჯანმრთელობის მძიმე დაზიანება ან/და დროებითი შრომისუნარიანობის განვითარება 40 კალენდარულ დღეზე მეტი ხნით;
 - დ) ფატალური უბედური შემთხვევა - უბედური შემთხვევის გამო ადამიანის (დასაქმებულის) სამუშაო ადგილზე ან უბედური შემთხვევიდან 1 წლის განმავლობაში გარდაცვალება;
 - ე) მასობრივი უბედური შემთხვევა - უბედური შემთხვევის გამო 3 ან მეტი ადამიანის დაშავება, მათ შორის, 1 მძიმე უბედური შემთხვევა ან 1 ფატალური უბედური შემთხვევა.
- 3.22 **სამუშაო სივრცეში უბედური შემთხვევით გამოწვეული შრომისუნარიანობის მკვეთრად გამოხატული შეზღუდვა** - უშუალოდ შრომითი საქმიანობის პერიოდში უბედური შემთხვევის შედეგად გამოწვეული დაზღვეულის სხეულის დაზიანების ისეთი ხარისხი, რომელიც კვალიფიცირებულია როგორც შრომისუნარიანობის მკვეთრი შეზღუდვა ისეთი სამედიცინო დაწესებულების მიერ,

რომელსაც მინიჭებული აქვს მოქალაქეთა შესაძლებლობის სტატუსის დადგენის უფლებამოსილება საქართველოს კანონმდებლობის შესაბამისად;

- 3.23 **სამუშაო სივრცეში უბედური შემთხვევით გამოწვეული შრომისუნარიობის მნიშვნელოვნად გამოხატული შეზღუდვა** - უშუალოდ შრომითი საქმიანობის პერიოდში უბედური შემთხვევის შედეგად გამოწვეული დაზღვეულის სხეულის დაზიანების ისეთი ხარისხი, რომელიც კვალიფიცირებულია როგორც შრომისუნარიობის მნიშვნელოვნად გამოხატული შეზღუდვა, ისეთი სამედიცინო დაწესებულების მიერ, რომელსაც მინიჭებული აქვს მოქალაქეთა შესაძლებლობის სტატუსის დადგენის უფლებამოსილება საქართველოს კანონმდებლობის შესაბამისად;
- 3.24 **სამუშაო სივრცეში უბედური შემთხვევით გამოწვეული შრომისუნარიობის ზომიერად გამოხატული შეზღუდვა** - უშუალოდ შრომითი საქმიანობის პერიოდში უბედური შემთხვევის შედეგად გამოწვეული დაზღვეულის სხეულის დაზიანების ისეთი ხარისხი, რომელიც კვალიფიცირებულია როგორც შრომისუნარიობის ზომიერად გამოხატული შეზღუდვა ისეთი სამედიცინო დაწესებულების მიერ, რომელსაც მინიჭებული აქვს მოქალაქეთა შესაძლებლობის სტატუსის დადგენის უფლებამოსილება საქართველოს კანონმდებლობის შესაბამისად; უბედურ შემთხვევად არ ჩაითვლება მწვავე, ქრონიკული ან/და მემკვიდრეობითი დაავადებები (მათ შორის, ინფარქტი, ინსულტი და ორგანოთა სხვა უეაარი დაზიანება, გამოწვეული მემკვიდრეობითი პათოლოგიით ან დაავადების განვითარების შედეგად დამდგარი პათოლოგიით, ანაფილაქტიკური შოკი, ასევე ინფექციური და პროფესიული დაავადებები;
- 3.25 **ზედამხედველი ორგანო** - საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს შრომის უსაფრთხოების ნორმების დაცვის შემოწმების განმახორციელებელი სამსახური;
- 3.26 **პრევენცია** - იმ ღონისძიებებისა და პროცედურების სისტემა, რომლებსაც ახორციელებს დამსაქმებელი ან რომელთა განხორციელებაც დაგეგმილი აქვს დამსაქმებელს საქმიანობის ყველა მიმართულებით პროფესიული რისკების, სამუშაო სივრცეში უბედური შემთხვევების, პროფესიული დაავადებების ან შრომითი საქმიანობის გამო ჯანმრთელობისათვის სხვაგვარი ზიანის მიყენების თავიდან ასაცილებლად ან ზიანის შესამცირებლად;
- 3.27 **დასაქმებულთა წარმომადგენელი** - პირი, რომელიც წარმოადგენს შესაბამისი დამზღვევთან დასაქმებულების ინტერესებს შრომის უსაფრთხოების საკითხებში;
- 3.28 **შრომის უსაფრთხოების სპეციალისტი** - დამსაქმებლის მიერ დანიშნული/მოწვეული შესაბამისი კვალიფიკაციის მქონე პირი, რომელიც შრომის უსაფრთხოების ნორმების დარღვევის პრევენციის მიზნით უზრუნველყოფს შრომის უსაფრთხოების ღონისძიებების დანერგვასა და მართვას;
- 3.29 **ინდივიდუალური დაცვის საშუალებები** - ტექნიკური და სხვა საშუალებები, რომლებიც გამოიყენება ინდივიდუალურად, დასაქმებულზე საფრთხის შემცველი ფაქტორების გავლენის შესამცირებლად ან თავიდან ასაცილებლად;
- 3.30 **კოლექტიური დაცვის საშუალებები** - ტექნიკური და საინჟინრო საშუალებების ერთობლიობა, რომლებიც კონსტრუქციულად და ფუნქციურად დაკავშირებულია საწარმოო გარემოსა და სამუშაო პროცესთან და განკუთვნილია საფრთხის შემცველი ფაქტორების თავიდან ასაცილებლად ან შესამცირებლად.

4. გამონაკლისები

- 4.1 სადაზღვევო ანაზღაურებას არ ექვემდებარება და დამდგარი მოვლენა არ ჩაითვლება სადაზღვევო შემთხვევად, თუ დაზღვეულის ჯანმრთელობის დაზიანება, შრომისუნარიანობის ხარისხის დაკარგვა ან შეზღუდვა, გარდაცვალება ან მისი უგზო-უკვლოდ დაკარგულად აღიარება პირდაპირ ან არაპირდაპირ გამოწვეულია/შედეგად მოყვა რომელიმე ქვემოთმოყვანილ მოვლენა/მიზეზ(ებ)ით:

- 2.2.1. ომი (მიუხედავად იმისა, ომი გამოცხადებულია თუ არა), საომარი (საბრძოლო) მოქმედებები, ინტერვენცია (უცხო ძალების შემოჭრა), აჯანყებით, რევოლუცია, სამოქალაქო მღელვარება, სამხედრო ან უზურპაციული ძალების მოქმედება ან ამდაგვარი მცდელობა; ხელისუფლების ნებისმიერი ორგანოს მიერ განხორციელებული კონფისკაცია/ნაციონალიზაცია;
 - 2.2.2. ნებისმიერი ფეთქებადი ბირთვული დანადგარის ან მისი კომპონენტის რადიოაქტიური, ტოქსიური, ფეთქებადი ან სხვა მსგავსი ფაქტორებით;
 - 2.2.3. დაზღვეულის ალკოჰოლური, ნარკოტიკული, ტოქსიკური ან ფსიქოტროპული ნივთიერებების ზემოქმედების ქვეშ ყოფნა ან თუ დაზღვეული შემთხვევის დროს იმყოფებოდა ამ ნივთიერებების ზემოქმედების ქვეშ;
 - 2.2.4. დაზღვეულის თვითმკვლელობა ან თვითმკვლელობის მცდელობა, განზრახ თვითდაზიანება;
 - 2.2.5. დაზღვეულის ფსიქიკური ავადმყოფობა, დაზღვეულის საკვებით ინტოქსიკაცია;
 - 2.2.6. დაზღვეულის მიერ სისხლის სამართლის კოდექსით გათვალისწინებული კანონსაწინააღმდეგო ქმედების ჩადენა ან ამგვარის მცდელობა;
 - 2.2.7. არ არის განპირობებული საწარმოო მიზეზებითა და ტრავმებით;
 - 2.2.8. თუ შემთხვევის დადგომისას არ მოხდა შეტყობინება მზღვეველთან;
 - 2.2.9. დაზღვეული განზრახ იგდებს თავს საფრთხეში, გარდა იმ შემთხვევისა, როცა იგი მოქმედებს სხვა ადამიანის სიცოცხლის გადარჩენის მიზნით;
 - 2.2.10. დამზღვევი/დაზღვეული დამალავს მისთვის ცნობილ არსებით გარემოებებს, რამაც შესაძლოა გაზარდოს სადაზღვევო შემთხვევის დადგომის რისკის ხარისხი.
- 4.2 წინამდებარე ხელშეკრულების 4.1. პუნქტით განსაზღვრული გარემოებები დგინდება სასამართლო, საგამოძიებო, საექსპერტო, მათ შორის სამედიცინო-სოციალური ექსპერტიზის და სხვა კომპეტენტური ორგანოების მიერ გაცემული ოფიციალური დოკუმენტების/დასკვნის საფუძველზე, რომელთა გაწევის ხარჯები ეკისრება მზღვეველს;
- 4.3 დაზღვევა არ ვრცელდება პირებზე, რომელთაც დაზღვევის ძალაში შესვლის მომენტში უტარდებათ სტაციონარული მკურნალობა ან/და რომლებიც საჭიროებენ მუდმივ მოვლას (სჭირდებათ დამხმარე ყოველდღიური საყოფაცხოვრებო აქტივობის შესასრულებლად) ან/და იყვნენ ფსიქიურად დაავადებული ან დაავადნენ დაზღვევის ძალაში შესვლის შემდეგ ამ პირების მიმართ დაზღვევა ჩაითვლება ავტომატურად გაუქმებულად და მზღვეველის მიერ ანაზღაურებას არ დაექვემდებარება ასეთ პირ(ებ)თან დაკავშირებული შემთხვევა.

5. ასანაზღაურებელი თანხის მიღების წესი

- 5.1 ნებისმიერი უბედური შემთხვევის დადგომისას დაზღვეული/დამზღვევი ვალდებულია შეძლებისდაგვარად დაუყოვნებლივ, მაგრამ არაუგვიანეს 48 საათისა აცნობოს მზღვეველს უბედური შემთხვევის დადგომის თაობაზე ცხელ ხაზზე შეტყობინებით;
- 5.2 დაზღვეულის მიერ წინამდებარე ხელშეკრულების 5.4 და 5.5 პუნქტით გათვალისწინებულ ვადაში დოკუმენტების წარმოდგენილობის შემთხვევაში, მზღვეველი უფლებამოსილია უარი განაცხადოს დაზღვეულისათვის სადაზღვევო ანაზღაურების გაცემაზე;
- 5.3 მზღვეველის მიერ სადაზღვევო ანაზღაურებაზე უარის თქმის შემთხვევაში, დაზღვეულს უარი უნდა განემართოს წერილობითი სახით უარის თქმისთანავე;
- 5.4 სადაზღვევო ანაზღაურების მისაღებად დაზღვეულმა მზღვეველს უნდა წარუდგინოს შემდეგი დოკუმენტაცია სადაზღვევო შემთხვევის დადგომიდან 30 კალენდარული დღის ვადაში:
 - ა) დაზღვეულის ან მოსარგებლის წერილობითი განცხადება სადაზღვევო ანაზღაურების მოთხოვნის შესახებ;
 - ბ) დაზღვეულის პირადობის დამადასტურებელი დოკუმენტი;
 - გ) სადაზღვევო პოლისის ორიგინალი;

- ე) სამედიცინო დაწესებულების მიერ გაცემული სამედიცინო დოკუმენტი;
 - ვ) სამუშაო სივრცეში მომხდარი უბედური შემთხვევის მოკვლევის ოქმი (ასლი) ან/და სამართალდამცავი ორგანოების მიერ გაცემული ცნობა უბედური შემთხვევის შესახებ;
 - ზ) დაზღვეულის საბანკო რეკვიზიტები.
- 5.5 დაზღვეულის გარდაცვალების შემთხვევაში სადაზღვევო ანაზღაურების მისაღებად დაზღვეულის წარმომადგენელმა მზღვეველს უნდა წარუდგინოს შემდეგი დოკუმენტაცია სადაზღვევო შემთხვევის დადგომიდან 30 კალენდარული დღის ვადაში:
- ა) საქართველოს კანონმდებლობით დადგენილი მოთხოვნების დაცვით გაცემული დაზღვეულის გარდაცვალების მოწმობა და სამედიცინო ცნობა გარდაცვალების შესახებ (რომელშიც მითითებული უნდა იყოს დაზღვეულის გარდაცვალების კონკრეტული უტყუარი/უშუალო მიზეზი, გარდაცვალების თარიღი, ადგილი, დაზღვეულის ასაკი და სხვა ინფორმაცია);
 - ბ) შესაბამისი სამართალდამცავი ორგანოების მიერ გაცემული ცნობა;
 - გ) ექსპერტიზის დასკვნა გარდაცვალების კონკრეტული უტყუარი/უშუალო მიზეზის შესახებ;
 - დ) მოსარგებლის პირადობის დამადასტურებელი დოკუმენტი;
 - ე) მოსარგებლის, როგორც მემკვიდრის სამკვიდრო მოწმობა, რომელიც განსაზღვრავს მის წილს მამკვიდრებლის სამკვიდროში, თუ ასეთი პირი პირდაპირ არ არის დაზღვეულის მიერ წინასწარ წერილობით მოსარგებლედ მითითებული;
 - ვ) მოსარგებლის საბანკო რეკვიზიტები.
- 5.6 წინამდებარე სპეციფიკური პირობების 5.4 და 5.5. პუნქტებით განსაზღვრული დოკუმენტაციის განსახილველად წარდგენა შესაძლებელია ელექტრონული (სკანირებული) სახითაც, ელექტრონული ფოსტის მეშვეობით, მზღვეველის მიერ მითითებული მისამართზე (-----). დაზღვეულის მიერ სრულყოფილად წარდგენილი დოკუმენტაცია მზღვეველმა უნდა განიხილოს და მოახდინოს წინამდებარე დაზღვევის პირობების შესაბამისად განსაზღვრული სადაზღვევო თანხის ანაზღაურება აღნიშნული დოკუმენტების წარდგენიდან 5 (ხუთი) სამუშაო დღის ვადაში.

6. მომსახურების ხარისხი, კონტროლი და ანაზღაურება

- 6.1 კონტროლს ხელშეკრულებით გათვალისწინებულ ურთიერთობებთან დაკავშირებით, განახორციელებს დამზღვევის მიერ გამოყოფილი სპეციალური ჯგუფი (ინსპექტირების ჯგუფი), რომელთა მიერ შემოწმდება რამდენად დაცულია ხელშეკრულების მიხედვით მზღვეველის მიერ ნაკისრი ვალდებულებები, კერძოდ: მომსახურების ხარისხი და ანაზღაურების დროულობა;
- 6.2 მომწოდებლის მომსახურების ხარისხზე არაგეგმიური მონიტორინგი ხორციელდება დამზღვევის შეხედულებისამებრ, ნებისმიერ დროს ყოველგვარი წინასწარი შეტყობინებისა და გაფრთხილების გარეშე. არაგეგმიური ინსპექტირება შესაძლებელია განხორციელდეს როგორც ინსპექტირების ჯგუფის/მზღვეველის მიერ გამოყოფილი წარმომადგენლების მონაწილეობით, ასევე მათგან დამოუკიდებლად, შემსყიდველის მიერ შერჩეული ანონიმური მეთოდით.

7. ანგარიშსწორების წესი და პირობები

- 7.1 სადაზღვევო პრემიის გადახდა ყოველთვიურად ხდება შემდეგი სქემის მიხედვით: დაზღვეულთა რაოდენობისა და ყოველთვიური პრემიის შესაბამისად. დაზღვეულ პირთა რაოდენობის ცვლილების შემთხვევაში ხდება გადასახდელი პრემიის კორექტირება;
- 7.2 სადაზღვევო პრემიის გადახდა განხორციელდება მზღვეველის მიერ თვის 20 (ოცი) რიცხვში წარმოდგენილი ინვოისის და თვის ბოლო სამუშაო დღეს გაფორმებული მიღება-ჩაბარების აქტის საფუძველზე, მიღება-ჩაბარების აქტის გაფორმებიდან **10 (ათი) სამუშაო დღის განმავლობაში**;
- 7.3 არასრული თვის მომსახურების ღირებულება ანაზღაურდება შესაბამის თვეში გაწეული მომსახურების დღეების პროპორციულად;

- 7.4 წინამდებარე ხელშეკრულების პირობების შესაბამისად, თუ თანხის გადახდის დღე დაემთხვა არასამუშაო ან საქართველოში გამოცხადებულ გამოსასვლელ დღეს, ამ დღის ნაცვლად გამოიყენება მომდევნო სამუშაო დღე;
- 7.5 დამზღვევი ვალდებულია ანგარიშსწორება მოახდინოს წინამდებარე ხელშეკრულებით განსაზღვრული გრაფიკის მიხედვით, მიღება-ჩაბარების აქტის საფუძველზე;
- 7.6 პრემიის გადახდა მოხდება უნაღდო ანგარიშსწორებით. თანხა გადახდილად იქნება მიჩნეული მისი მზღვეველის ანგარიშზე ფაქტობრივი ჩარიცხვის შემდეგ.

მხარეთა რეკვიზიტები: